



醫學綱目

卷之二

八卷
共二
四拾冊



醫學綱目卷之三十

傷寒部

傷寒通論 續傷寒通論

大法

仲凡傷於寒則為病執執雖甚不死若兩感于寒而病者必死 尺寸俱浮者太陽受病也當一二日發以其脈上

三日前
病傳三
陽宜汗

連風府故頭項痛腰脊強 尺寸俱長者陽明受病也當

二三日發以其脈俠鼻絡于目故身熱目疼鼻乾不得卧 尺寸俱弦者少陽受病也當三四日發以其脈循脇絡于耳故曾脇痛而耳聾此三經皆受病未入於腑者可汗而已

三日後
病傳三
陰宜下

尺寸俱沉細者太陰受病也當四五日發以其脈布胃中絡於嗌故腹滿而嗌乾 尺寸俱沉者少陰受病也當五六日發以其脈貫腎絡於肺繫舌本故口燥舌乾而渴 云經云一二日少陰者謂初中病時便入少陰不經三陽也太抵傷寒發于陽則太陽也發于陰則少陰也凡病下



凡至十二日三白太陽症不能罷者俱治太陽有初得病便
見少陰症者宜攻少陰亦必先自巨陽蓋寒入太陽即
陰即惡寒而不熱 尺寸俱微緩者厥陰受病也當六七
日發以其脈循陰器絡于肝故煩滿而囊縮煩滿謂少腹
囊之縮者今復病少腹之煩滿故令微下也此三經皆受
病已入於腑可下而已

三日陰
陽俱傳

若兩感於寒者一日太陽受之即與少陰俱病則頭痛口
乾煩滿而渴二日陽明受之即與太陰俱病則腹滿身熱
不欲食譫語三日少陽受之即與厥陰俱病則耳聾囊縮

而厥水漿不入不知人者六日死若三陰三陽五臟六腑
皆受病則榮衛不行臟腑不通而死矣

三日前
無陽明
少陽症
不傳陽

傷寒一日太陽受之脈若靜者為不傳頰欲吐若躁煩脈
微急者為欲傳也 傷寒二三日陽明少陽症不見者不
傳也

三日後
能食不
嘔者不

傷寒三日三陽為盡三陰當受邪其人反能食而不嘔此
為三陰不受邪也

傳陰三
日脈微
小而身
濕者欲

問曰傷寒三日脈浮數而微病人身溫和者何也答曰此
為欲解也以夜半脈浮而解者濺然汗出也脈浮而解者
必能食也脈不浮而解者必大汗出也 二日少陽脈小

七日傳
經不當
病衰

其不兩感於寒更不傳經不加異氣者至七日太陽病衰
頭痛少愈也八日陽明病衰身熱少歇也九日少陽病衰

十三日
六日
十日
十一日
十二日

耳聾微聞也十日太陰病衰腹減如故則思飲食十一日
少陰病衰渴止舌乾已而嚏也十二日厥陰病衰囊縮少
腹微下太氣皆去病人精神爽慧也 太陽病頭痛至七
日已上自愈者行其經盡故也若欲再傳經者針足陽明
使不傳則愈

七日脈
大煩躁
者解
十三日
不減脈
沉者危
更感異
氣者變
他病

六七白脈至皆大煩而口噤不言躁擾者必欲解也論見後條
傷寒六七日無大熱其人躁煩此為陽去入陰故也

若過十三日已上不聞也間瘳尺寸陷者大危

若更感異氣變為他病者當依舊壞症而治之若脈陰陽

俱盛重感於寒者變為溫瘧陽脈浮滑陰脈濡弱者更

遇於風變為風溫陽脈洪數陰脈實大者遇溫熱變為

溫毒為病最重也陽脈濡弱陰脈弦數者更遇溫氣變

為溫疫以冬傷於寒發為溫病脈之變症方治如說見後

凡發汗欲令手足皆周至熱熱然一時聞許益佳不可令

如水流漓耳若病不解當重發汗汗多則亡陽陽虛不得

重發汗也活人云發汗必須如常覆蓋腰已上厚衣覆之

微潤病凡云可發汗而無湯者在散亦可用要以汗出

為解然不如湯隨症良驗凡發汗溫服湯藥其方後言

日一二服若病劇不解當促其服可半日間盡一二服若
與病相值即使有所覺重病者一日一夜當時觀之如
服一劑病症猶在故當復作本湯服之至有不汗出服
三劑乃能若汗不出者死病也 凡服湯藥發汗中病即
止不必盡劑吐下亦如之

許志士云記一鄉人傷寒身熱大便不通煩渴鬱鼻醫者
用巴荳下之頃得溘利宛然如舊予觀之陽明結熱在裏
非大柴胡承氣不可巴荳止去積不能蕩滌邪熱蘊毒亟
進大柴胡等三服得汗而解嘗謂仲景一百一十三方為
凡者有五理中陷曾抵當烏梅麻仁是以理中陷曾抵當
皆大如彈子煮化而服與湯散無異至於麻仁治脾約烏
梅治濕蠱皆用小丸以達下部其他逐邪毒破堅癰導滯
血潤燥糞之類皆憑湯劑未聞用巴荳小丸藥以下邪氣

也既下而病不除不免重以_ラ大黃芒硝下之安能無損也

欲攻當先表後下

凡傷寒之病多從風寒得之始_メ表中風寒入裏則不消矣

汗症汗後不解者再汗

擬欲攻之猶當先解表乃可下之若表已解而內不消太

汗吐下濕針後不解為壞症

滿太實堅有燥屎者自可除下之雖四五日不能為禍也

下後症

服桂枝湯大汗出脈洪大者復與桂枝湯如前法論見

診病

清穀腹滿

脈師持脈病人欠者無病也脈之呻者病也言遲者風也

揺頭言者裏痛也行遲者表強也坐而伏者氣短也坐而

下一脚者腰痛也裏實護腹如懷卵物者心痛也寸口

諸微亡陽諸濡亡血諸弱發熱諸鬱為寒諸乘寒者則為

厥鬱胃不仁以胃無穀氣脾瀆不通口急不能言戰而慄

也微脈極細而軟濡脈極軟而沉細

寸關尺同等者當愈

病六七日手足三部脈皆至大煩而口禁不能言其人躁

擾必欲自解者必當先煩乃有汗而解何以知脈浮故知

汗出解也若脈和平其人大煩目重臉內際黃者皆為欲

解也

寸關尺河曰脈病欲知愈未愈者何以別之答曰寸口關上尺中

三處大小浮沉遲數同等雖有寒熱不解者此脈為陰陽

和乎雖劇當愈針經禁服篇云寸口人迎兩者相應若引與喉旁之人迎脈等者為平人後條云六脈陰陽俱停必先振腰汗出而解者是也凡得病脈動數服湯藥更遲脈浮大減小初躁後靜此皆愈症也

脈浮數而微病人身溫和者欲解也論見前條凡病反能飲水者為欲愈論見太陰中風脈陽微陰濇而長者為欲愈論見少陰中風脈陽微陰浮者欲愈論見厥陰中風脈微浮者欲愈不浮未愈

太陽病已至未解見發熱陽明病申至戌解見胃實太陰病亥至丑解見腹脹少陽病寅至辰解見口苦厥陰病丑至卯解見氣七

問曰凡病欲知何時得何時愈答曰假令日中得病夜半愈者以陽得陰則解也夜半得病日中愈者以陰得陽則解也病家人請云病人苦發熱身軀疼病人自臥師到

診其脈沉而遲者知其瘥也何以知之表有病者脈當浮大今反沉遲故知愈也假令病人云腹內卒痛病人自坐師到脈之浮而大者知其瘥也何以知之右裏有病者脈當沉而細今脈浮大故知愈也

問曰病有戰而汗出者因得解者何也答曰脈浮而緊按之反芤此為本虛故當戰而汗出也其人本虛是以發戰以脈浮故當汗出而解也

若脈浮而數按之不芤此人本不虛若欲自解但出汗耳不發戰也問曰病有不戰而汗出解者何也答曰脈大而浮數故知不戰汗出而解也

問曰病有不戰不汗出而解者何也答曰其脈自微此以曾經發汗若吐若下若汗血以內無津液待陰陽自和必自愈故不戰不汗出而解也

脈浮大按之不芤戰而汗解

脈微當汗而解

脈浮緊按之芤當戰而汗解

診生死

右海藏云戰而後解者太陽也不戰有汗而解者陽明也

太陽病未解脈陰陽俱停必先戰慄汗出而解陽微者汗解陰微者下解論見發熱篇

凡脈大浮數動滑此名陽也沉瀋弦弱微此名陰也凡陰病見陽脈者生陽病見陰脈者死陰陽俱盛大汗出不解者死陰陽俱虛熱不止者死

禁忌

服藥正如方法縱意違師不須治之

諸脈沉及尺脈遲者忌汗

脈沉為在裏而反發其汗則津液越出大便難表虛裏實久則譫語也論見脈浮緊者法當身疼痛宜以汗解之假令尺中遲者不可發汗何以知之以榮氣不足血少故也活人云先以小建中湯加黃芪如尺脈尚遲再作一劑却服柴胡桂枝二越婢一湯其湯分小劑和之解之愈許學士云一鄉人丘生者病傷寒發熱頭疼煩渴脈雖浮

數無力尺以下遲而弱予曰此雖麻黃症而尺遲弱仲景

云尺中遲者榮氣不足血氣微少未可發汗予於建中湯加當歸黃芪令飲翼日脈尚爾其家煎迫日夜督發汗藥

幾不遜矣予忍之但只用建中調榮而已至五日尺部左應遂投麻黃湯啜一服發往須臾稍定略睡已中汗矣信

知此事誠難仲景雖云不避晨夜即宜便治醫者亦須顧其表裏虛實待其時日若不循次第暫時得安損虧五臟

以促壽限何足貴哉昔南史載范雲傷寒恐不得預武帝九錫之慶召徐文伯診視以實懇之曰可便得愈乎文伯

曰便瘥其易只恐二年後不復起耳雲曰朝聞道夕死猶可况二年乎文伯以火燒地布桃葉設席置雲於其上頃

刻汗解撲以溫粉置日果愈雲喜文伯曰不足喜也後二年果卒夫取汗先期尚促壽限况不顧表裏不待時日

脈浮為表

惡寒者屬太陽宜汗之

成惡寒一切屬表雖裏症悉具而微惡寒者亦是表未解也猶當先解其外候不惡寒為外解不可攻裏也

發熱惡熱便硬腹滿脈沉為裡

不思寒反惡熱手掌心并腋下濺濺汗出胃中乾燥結聚潮熱大便鞭小便如膏腹滿而喘或譫語脈沉而滑者裏症也裏症者內熱是也內熱者屬陽明宜下之傷寒始發熱惡寒今汗後不惡寒但倍發熱而躁始脈浮而大合脈洪實或沉數細始惺惺今狂語此為胃實陽盛再汗即死須下之則愈亦有始得病便變陽盛之症須便下之不可拘以日數更有心胸連腹臍大段痞悶腹中痛坐臥不安胃悶喘急極者亦不問他症便下之若失下則氣血不通四肢便厥醫人不知反疑是陰厥復進熱藥禍如反掌不可不察也

發狂惡逆腹滿脈弦為半表半裡

成邪之密於表者為寒邪與陽相爭則為寒矣邪之入於裏者為熱邪與陰相爭則為熱矣邪在半表半裏外與陽爭而為寒內與陰爭而為熱是以往來寒熱邪居表多則多寒邪居裏多則多熱邪半在表半在裡則寒熱亦半矣邪在表者必清形以為汗邪在裏者必蕩滌以取利其餘不外不外半表半裏又非發汗之所宜亦非吐下之所對是當和解則可矣小柴胡為和解之劑也

表裡俱見

活傷寒表症當汗裡症當下不易之法也發表攻裡本印不同甘遂神丹不可合飲桂枝承氣安可並進然而假令病人脈浮而大是表症當汗其人發熱煩渴小便赤却當下此是表裡俱見五苓散主之假令傷寒不大便六七日頭痛有熱者是裏症當下其人小便清者知不在裏仍在表也當須發汗此是兩症俱見即未可下宜與桂枝湯

假冷病人心下滿口不欲食大便鞭脈沉細是裏症當
 下其人頭汗出微惡寒手足冷却當汗此兩症俱見者仲
 景所謂半在表半在裡也小柴胡主之 假冷太陰病表
 症未除而醫數下之遂挾熱而利不止心下痞鞭仲景謂
 之表裏不解桂枝人參湯主之 本太陽病醫反下之因
 爾腹痛是有表復有裡仲景用桂枝加芍藥湯痛甚者桂
 枝加大黃 又云太陽病桂枝症醫反下之利遂不止脈
 促者表未解也喘而汗出者葛根黃芩湯主之此皆仲景
 治傷寒有表復有裡之法也

大柴胡湯治表裡內外俱熱之症治有表者或脈浮或
 頭痛或惡風或惡寒四症中或有一二尚在者乃十三日
 過經不解是也治有裡者或譫語或妄語或擲手揚 此
 皆裡之急者也若欲汗之則裡症已急欲下之則表証尙

在通用大柴胡湯

無表裡 傷寒四五日後以至過經無表症又於裡症未可下者皆
 可用小柴胡隨証加減用之以至十餘日亦可用十餘日
 外用小柴胡不愈者若大便鞭看症可下則用大柴胡下
 之以過經其人稍虛當下者用大柴胡湯則穩當恐承氣
 太緊病人不禁也仲景云六七日目中不了了睛不和無
 表裡症大便難身微熱此為實也當下之宜大承氣湯又
 云病人無表裡症發熱七八日脈雖浮數可用大柴胡下
 之假令已下脈數不解至六七日不大便者有瘀血也屬
 抵當湯

百病皆分表裡

治傷寒須分表裡若表裡不分汗下差誤豈為上士且如
 均是發熱身熱不渴為表有熱小柴胡加桂枝主之厥而
 脈滑為裡有熱白虎加入參主之均是水氣乾嘔微利發

熱而咳為表有水小青龍加羌活主之體涼表症罷效而
脇下痛為裡有水十棗湯主之均是惡寒有熱而惡寒者
發於陽也麻黃桂枝小柴胡主之無熱而惡寒者發於陰
也附子四逆主之均是身痛脈浮發熱頭痛身體痛者
為表朱鮮麻黃湯主之脈沉自利身體痛者為裏不和四
逆湯主之以此觀之仲景表裏之法甚詳幸者宜深究心
也

半表半
裡不同

海半表半裏者有幾夫邪在榮衛之間謂之半表半裏也
太陽陽明之間少陽居身之半表半裏也五苓散分陰陽
膀胱經之半表半裏也理中湯治吐泄上下之半表半裏
也

治太陽陽明少陽皆屬陽症也太陽者膀胱也發熱惡寒
頭疼腰痛而脈浮也陽明者胃也不惡寒反惡熱濇濇汗

出大便秘潮熱而脈長也少陽者膽也口苦咽乾脇下滿
發熱而嘔或往來寒熱而脈弦也麻黃湯大青龍湯桂枝
湯治太陽傷風寒也大柴胡湯調胃承氣湯小承氣湯大
承氣湯治陽明傷寒也小柴胡湯治少陽傷寒也其他藥
皆發汗吐下後症也若陽氣獨盛陰氣暴絕即為陽毒必
發躁狂走妄言面赤咽痛身斑斑如錦紋或下利黃赤脈
洪實或滑促當以酸苦之藥投之令陰氣復而大汗解矣
古人云酸苦涌泄為陰謂苦參大青葶藶苦酒之類皆復
其陰氣也微用苦甚則兼用酸苦折熱復陰若熱極發厥
陽症似陰者學者當以脈別之

吐利厥
陰脈沉
微為陰

太陰少陰厥陰皆屬陰症也何謂太陰症太陰脾之經主
胃膈膜脹何謂少陰症少陰腎之經主脈細心煩但欲寐
或自利而渴何謂厥陰症厥陰肝之經主消渴氣上衝心

心中疼熱，饑不欲食，食則吐，或下利，或下之利不止也。三陰中寒，微則理中湯，稍厥或中寒下利，即乾姜甘草湯。大段重者，用四逆湯。無脈者，用通脈四逆湯。若陰氣獨盛，陽氣暴絕，則為陰毒。其症四肢逆冷，臍腹築痛，身如被杖，脈沉實，病或吐或利，當急灸臍下，服以辛熱之藥，令復陽氣而大注。鮮矣。古人云：辛甘發散為陽，謂桂枝甘草乾姜附子之類，能復其陽氣也。微用辛甘，甚則用辛甘，若陰極熱躁，陰症似陽者，學者亦當以脈別之。

陰症陽症辨

羅陰症陽症辨 靜江府提刑李君長子年十九歲，四月病傷寒，九日醫者作陰症治之，與附子理中丸數服，其症增劇，別易一醫，又作陽症議論，差互不敢服藥。李君邀予往視，坐間有數人予不欲直言其症，但細為分解，令自付度之。凡陽症者身大熱而手足不厥，臥則怛然起，則有力。

不惡寒反惡熱，不嘔不瀉，渴而飲水煩躁，不得眠，能食而多語，其脈浮大而數者，陽症也。凡陰症者身不熱而手足厥冷，惡寒嗜臥，惡聞人聲，或自引衣，蓋覆不煩渴，不欲食，小便自利，大便反快，其脈沉細而微遲者，陰症也。今診其脈數得六七至，其母云夜來叫呼不絕，全不睡，又喜飲水，水子聞其言，知陽症悉具，且三日不見大便，宜急下之。子遂以酒煨大黃六錢，甘草炙二錢，芒硝五錢，煎服至下，數行燥糞二十餘塊，是夜汗大出，明白，又往視之，身涼脈靜矣。予思素問熱論云：治之各通其臟腑，故仲景述傷寒論云：六經各異傳，寢不同活人亦云：凡治傷寒，先須明經絡其義一也。昧者不學經絡，不問病源，按寸握尺，妄意病症，不知邪氣之所在，動致顛覆，真盲醫哉。昔韓子云：醫之病病在少思，真理致之言也。李者審之陰症，似陽陽症似陰，並見陰陽府。

御寒熱
反治條

汗下大法
汗下
但當隨
症不可
拘日數

治未滿三日可汗而巳滿三日者可泄而巳此大略言之
耳凡病人有虛有實邪氣傳受遲速不同豈可拘以日數
仲景云日數雖多但有表症而脈浮者猶宜發汗日數雖
少若有裏症而脈沉者即宜下之正應隨脈治之又况六
氣之邪乘虛之經皆自背得之則入太陽或入少陰自面
感之則入陽明之類不必皆始於太陽也兼寒邪有首尾
止在一經或間傳二經不可以一理推但視脈與外症
治之此活法也假令有人脈浮頭項強痛發熱而惡寒每
日如此不以日數多少正是太陽經受之其餘經皆倣此
大抵傷寒准脈與外症以汗下之若過日多脈尚大淨
數安之不足者尚貴太陽也可發汗而愈若按之沉者汗
之必死須下之而愈也若始病脈沉細數外症或胸滿咽

辨傷寒
傷風汗
症不同

乾或口燥舌乾而渴為熱正責屬裏可下之而愈若無此
症表熱脈沉誤下者必死須用麻黃附子甘草麻黃細辛
附子湯少發汗以治之此皆仲景之確論也 傷寒脈浮
而緊身熱拘急惡寒無熱寒多熱少面色慘而不舒腰脊
疼痛手足四末微厥此麻黃症也 傷寒脈浮而緩寸大
而尺弱自汗體熱頭疼惡風寒多熱少其面光而不慘煩
躁手足不冷此桂枝症也
傷寒者脈緊而瀉傷風者脈浮而緩傷寒無汗傷風有汗
傷寒畏寒不畏風傷風畏風不畏寒大抵太陽病者必脈
浮發熱惡風惡寒者不當風而自憎寒惡風者當風
而憎寒也 六經皆有傷風傷寒其症各異太陽脈浮有
汗為中風脈緊無汗為傷寒陽明善饑為中風不食為傷
寒少陽兩耳聾目赤脅滿而煩為中風口苦咽乾目眩為

病輕重
發汗隨

傷寒若三陰傷風無變異形症但四肢煩疼餘症同三陽也傷風見寒脈者發熱惡風煩躁手足溫而脈反浮緊蓋發熱惡風煩躁手足溫為中風候脈浮緊為傷寒候也傷寒見風脈者寒多熱少不煩躁手足微厥而脈反浮緩蓋多熱少寒不煩躁手足微厥為傷寒候脈浮緩為中風候也傷風見寒傷寒見風大青龍症也

傷寒發表須當隨病輕重而汗之故仲景有發汗者有和解者發汗如麻黃湯桂枝湯大青龍湯是也和解如小青龙湯桂枝麻黃各半湯白虎湯桂枝二越婢一湯柴胡桂枝之類是也後人不能深究寒邪淺深藥性緊慢一藥用藥因致天傷其間縱或生全往往汗後虛乏遂至勞復感變成百病淹引歲月卒至不救此皆由汗下過度陰陽並竭血氣虧損以致此禍如遇病輕但當和解之所謂調其

榮衛以通津液令其自解可也

助汗法

丹溪治傷寒表症用補中益氣湯發散海藏用神木湯白朮湯九味羌活散發散此皆和解之意不使真氣散失也傷寒連服湯劑而汗不出者如中風法蒸之使溫熱之氣於外迎之無不得汗其法用薪火燒地良久掃去以水洒之取蚕砂栢葉桃葉糠麩皆鋪燒地上可側手厚上鋪席令病人當上臥溫覆之移時汗立至候周身至脚心熱熱乃用溫粉撲之汗止上床最得力者蚕沙桃栢葉也糠麩乃助其厚多少隨用

術治傷寒汗不出搗腳法用海蛤粉烏頭各二兩川山甲三兩為末酒糊和九大一寸許捏匾置患人足心下壁葱白蓋藥以帛纏定於暖室取熱湯浸腳至膝下次則水溫又添熱水候遍身汗出為度凡一二三次浸腳以和為

攻裡着挑深淺

治傷寒裡症須看熱氣淺深故仲景有直下之者如大承氣小承氣十棗大柴胡湯是也有微和其胃氣者如調胃承氣湯脾約丸火與小承氣微和之之類是也

金匱虛者十補勿一瀉強實者瀉之虛實等者雖瀉勿大泄之故王叔和序傷寒有承氣之戒

垣治大便燥結用通幽湯潤腸湯九皆為血氣津液不足者設也

三乘氣分輕重不同

藥用大承湯最酸小承湯次之調胃承氣又次之大柴胡湯又次之

海大承氣湯治太實太滿滿則胃腹脹滿狀若合瓦大實則不大便也痞滿燥實四症俱備則用之雜病則進退用之

大黃治大實

厚朴治大

芒硝治燥糞此二味治有形血藥也

枳實治痞此二味治無形氣藥也

小承氣湯治痞實而微滿狀若饑人食飽飯腹中無轉矢氣即大承氣湯只去芒硝心下痞大便或通熱甚須可下宜此方 調胃承氣湯治實而不滿者腹如仰瓦腹中有轉矢氣有燥糞不大便而譫語堅實之症宜用之

右已上三法不可差差則無者生之有者遺之假令調胃承氣症用大承氣下之則愈後元氣不復以其氣藥犯之也若大承氣症用調胃承氣下之則愈後神癡不清以其無氣藥也小承氣症若用芒硝下之則感利不正變而成虛矣

三一承氣湯非是

垣三一承氣湯辨○實則瀉之人所共知如緩急輕重之劑則臨時消息焉如不惡寒反惡熱發渴譫語腹滿而喘

手足澀然汗出急下之宜大承氣湯如邪未深恐有燥糞
少腹痛小承氣湯試之腹中轉矢氣者有燥糞也乃可攻
之不轉矢氣者初鞭後溲尚未可攻攻之則腹滿不能食
若腹不通止與小承氣湯微和胃氣勿令大泄如發汗不
惡寒但實者胃實也當和胃氣調胃承氣湯主之

成太熱結實者與大承氣湯小熱微結者與小承氣湯以
熱不大甚故于大承氣湯中去芒硝又以結不至堅故減
厚朴枳實如不至太堅然邪熱已甚而須攻下者亦未可
投大承氣湯必以輕緩之劑攻之于大承氣湯中為厚朴
枳實加甘草乃輕緩之劑以調胃也設若大承氣湯症反
用調胃承氣湯下之則邪氣不伏小承氣湯症反用大承
氣湯下之則過傷正氣而腹滿不能食故有勿太泄之戒
此仲景所以分而治之未嘗越聖人之制度後之醫者以

此三藥合而為一且云通治三藥之症及傷寒雜病內外
一切所傷若如此說與仲景之方甚相背戾且失軒岐緩
急之旨由是紅紫亂迷惑世人一唱百和使病者皆受
其弊將何所益哉倘有公心審是者當于內經仲景方中
求之責使藥症相對以聖賢之心為心則方之真偽自可
得而知矣

汗下緩急

傷寒之法先言表裏及有緩急三陽表當急裏當緩三
陰表當緩裏當急又曰脈浮當汗脈沉當下脈浮汗急而
下緩謂二陽表也脈沉下急而汗緩謂三陰裡也麻黃湯
謂之急麻黃附子細辛湯謂之緩內經云有清形以為汗
謂汗之緩裡之表也又云在皮者汗而發之謂汗之急表
之表也急汗者太陽緩汗者少陰是藏府之輸應也假令
附子麻黃細辛湯是少陰症始得發熱脈沉裏和無汗故

清形為汗，今麻黃湯是太陽症，頭項痛，腰脊強，脈浮無汗，裏和是也。在皮者，汗而發之，可也。經曰：治主以緩治客以急。此之謂也。麻黃湯方見傷寒表裏上條。

脈浮有表為表之裡宜急汗

假令得肝脈，其外症善怒，其三部脈俱弦而浮，惡寒，裡和，清便，自調。麻黃湯內加羌活、防風各三錢，謂肝主風，是膽經受病也。太便秘或泄下赤水，無數皆裏不和也。假令得心脈，其外症面赤口乾，善笑，其尺寸脈俱浮，而洪惡寒，裡和，清便，自調。麻黃湯內加黃芩、石膏各三錢，謂心主熱，是小腸受病也。假令得脾脈，其外症面黃善噫，善思，善味，尺寸脈俱浮，而緩，裡和，惡寒，麻黃湯內加白朮、防風各三錢，謂脾主濕，是胃經受病也。假令得肺脈，其外症面白，善嚏，悲愁，不樂，欲哭，其尺寸脈俱浮，而濇，裡和，惡寒，麻黃湯內加桂枝、生姜各三錢，謂肺主燥，是太陽

脈浮有裡為表之裡宜緩下

受病也。假令得腎脈，其外症面黑，善恐，欠，尺寸脈俱沉，而神和，惡寒，麻黃湯內加附子、生薑各三錢，謂腎主寒，是膀胱受病也。

已上五症皆表之表也。謂在皮者，急汗而發之，皆腑受病也。表之裏者，下之。當緩謂除臟表症外，顯尺寸脈俱浮，而復有裏症，謂發熱，飲水便利，赤色或洩下赤水，其脈浮按之內實，或痛。麻黃湯方去麻黃、杏仁，隨臟元加藥，同煎，分作五服，每下一症，初下服加大黃五分，如邪未盡，又加大黃一錢，未盡再加大黃一錢，半直候邪盡，則止。此先緩而後急，是表之裏宜下之，當緩也。

脈沉有表為裡之表宜緩汗

麻黃附子細辛湯。方見下少陰但欲寐條。假令得肝脈，其內症滿悶，淋瀝，便難轉筋，其尺寸脈俱沉，而弦，裏和，惡寒，肝經受病，麻黃附子細辛湯內加羌活、防

風各三錢 假令得心脈其內症煩心心痛掌中熱而噦其尺寸脈俱熾裏和惡寒心經受病於前湯內加黃芩石膏各三錢 假令得脾脈其內症腹滿脹食不消急墮嗜卧其尺寸脈俱緩裏和惡寒脾經受病加白朮防已各三錢 假令得肺脈其內症喘嗽洒淅寒熱其尺寸脈俱瀼裏和惡寒肺經受病加生薑桂枝各三錢 假令得腎脈其內症泄瀉下重足脛寒而逆其尺寸脈俱沉裏和惡寒此腎經受病加姜附各三錢

脈沉有裡為裡之裡宜急下

已上五症裡之表也宜清形以為汗皆臟受病也裏之裏者下之當急謂隨臟內症已顯尺寸脈俱沉而復有表症謂小便赤木便秘瀉或瀉下赤水或瀉或咳或能飲食不惠風寒發熱引飲其脈俱沉按之內實而痛此謂裡實宜速下之麻黃附子細辛湯內去麻黃大黃元

忌汗症

加藥同煎分作三服每下一症初下服如大黃三錢邪盡即止如邪未盡第二服加大黃二錢又未盡第三服加大黃一錢此先急而後緩是裡之裡也宜速下之

忌表症

其脈微弱或尺脈遲者不可表 其人當汗而衄血者不可表 壞病者不可表 婦人經水適來者不可表 風濕者不可表 濕溫者不可表 虛煩者不可表 病人腹間左右上下有筑臈動氣者不可表

壞症變症

曾經發汗若吐若下若溫病仍不解者為壞病 脈尺寸俱浮頭痛身熱常自汗体重其息必喘其形不仁默默但欲眠者為風濕 兩脛逆冷胸腹滿頭目痛苦妄言必多汗者為濕溫 與傷寒症相似但不惡寒身不疼痛脈不

誤汗變症

緊者為虛煩 臍上下左右有動氣按之牢若痛者為動氣

太陽咽乾鼻衄淋漓小便不利皆不當汗已經發汗不得重發如無已上忌症雖經發汗邪氣未盡亦當重發之當汗不汗則生黃其症為風寒所傷陽氣下陷入內而與寒水上行於經絡之間本當發汗以徹其邪醫者反汗之故生黃也脾主肌肉四肢寒濕與內熱相合故生黃也 不當汗而汗為畜血之症燥火也當益津液為上而反汗以亡之其毒傷陽之極則侵陰也故燥血畜于胃中也 當汗而發汗過多腠理開泄汗漏不止故四肢急難以屈伸也

忌下

非陽明之本病不可下 陽明本病胃家實故也 非痞滿燥實不可下 非一挾發渴不可下 非重虛言親疎不

可下 非脈沉數不可下 非裏多而走登高而歌如見鬼狀不可下

脈浮者不可下 脈虛者不可下 惡寒者不可下 嘔吐者不可下 不轉矢氣者不可下 轉矢氣者 小使清者不可下 大便堅小使數不可用承氣湯攻之 乃脾也 大便鞭小使少者未可攻 陽明病自汗出若發汗

小使自利者不可下 煎導之 非往來寒熱者不可和 非脇肋急痛者不可和 非

胃滿而嘔者不可和 症 不可和 症

診可解 症 太陽傳陽明其中或有下症陽明症反退而無熱與不渴却頭少陽症是知可解也 太陽症知可解者為頭不痛項不强肢節不痛則知表易解也 陽明症知可解者為無發熱惡熱則知裡易解也 少陽知可解者寒熱且

醫學圖書卷三十一 七

六經病傳

不移時而作邪未退也若用柴胡而移其時其移之于晏
晏移之于早氣移之于血血移之于氣是邪無可容之地
知可解也 可解之脈浮而虛不可解之脈浮而實浮而
虛者只在表浮而實者知已在裏也汗多不解者轉屬陽
明也 傷寒不頭痛知邪不在經若頭痛知邪在經也
六陽傳足傳手經則愈 陽中之陰水太陽是也為三陽
之首能巡經傳亦能越經傳 陽中之陽土陽明是也陽
明為中州之主主納而不出如太陽傳至此名曰巡經傳
也 陽中之陽木少陽是也上傳陽明下傳太陰如太陽
傳至此為越經傳 陰中之陰土太陰是也上傳少陽為
順下傳少陰為逆如傳少陰為上下傳也如太陽傳太陰
為悞下傳也 陰中之陽火少陰是也上傳太陰為順下
傳厥陰為逆如太陽至此乃交傳裏也 陰中之陰木厥

陰是也上傳少陰為實再傳太陰為自安

太陽本傳

太陽者巨陽也為諸陽之首膀胱經病若湯

首自入于本也名曰傳本

太陽傳陽明胃土者名曰巡

經傳為發汗不盡利小便餘邪不盡透入于裏也 太陽

傳少陽膽木者名曰越經傳也為元受病脈浮自汗宜用

麻黃湯而不用故也 太陽傳太陰脾土者名曰悞下傳

為元受病脈緩有汗當用桂枝而反下之所致也當病腹

痛四肢沉重 太陽傳少陰腎水名曰表傳裏為病急當

下而反不攻不發所以傳裡也 太陽傳厥陰肝木者為

陰不至於首惟厥陰與督脈上行太陽相接名巡經得度

傳

本有入病傷寒無汗惡風項既屈而且強予曰項強也凡
葛根湯症或問曰何謂凡九子曰凡九者如九疾屈而強

也謝復古謂病人羸弱須憑九而起快也蓋仲景論中極有難曉處振振欲擗地心中懊懣外氣怫鬱去不自仁膈內拒痛如此之類甚多成無已云凡音殊凡為短羽鳥不動亦如之非若凡案之凡而可偃屈也甚得仲景之旨

太陽病 發熱 惡寒 頭痛 項強

身體痛

脈浮緩
有汗者
為中風
宜桂枝湯

太陽之為病脈浮頭項強痛而惡寒 太陽病發熱汗出惡風脈緩者為中風 太陽中風陽浮而陰弱陽浮者熱自發陰弱者汗自出當發惡寒淅淅惡風翕翕發熱鼻鳴乾嘔者桂枝湯主之 太陽病頭痛發熱汗出惡風者桂枝湯主之 太陽病發熱汗出者此為榮弱衛強故使汗出欲救邪風者宜桂枝湯 病人臟無他病時發熱自汗

出而不愈者此衛氣不和也先其時發汗則愈宜桂枝湯
桂枝湯方

桂枝 芍藥 生姜各三 甘草二
大棗十二枚

右咬咀每服五錢水煎去渣溫服須臾飲熱稀粥一盞以助藥力令一時許遍身發熱微汗者佳不可令如水淋漓若一服便得汗勿再服 或無汗或小使數手足冷者不可服活人云桂枝麻黃若夏月用加黃芩知母石膏總不如陶尚文用羌活中和湯為最穩

右桂枝湯許學士云有久病發熱惡寒自汗脈微弱而浮三服湯而愈此方在神景一百十三方內獨冠其首今人全不用何也仲景云太陽中風陽浮而陰弱陽浮者云至翕翕發熱且桂枝湯此脈與症仲景說得甚

明後人看不透所以不敢用也

假令寸口脈微名曰陽不足陰氣上入陽中則洒淅惡寒也尺脈弱名曰陰不足陽氣下陷入陰中則發汗也此謂元氣受病而然也又曰陽微則惡寒陰微則發熱醫既汗之使陽氣微又大下之令陰氣弱此謂醫所使也大抵陰不足陽往從之故內陷而發熱陽不足陰往乘之故陰上入陽中則惡寒至此二端明白易曉何懼而不用桂枝湯哉

脈浮察無汗者

太陽病頭痛發熱身疼腰痛骨節疼痛惡風無汗而喘者

湯宜麻黃

麻黃湯主之

麻黃去節先煮去汗焙三兩

桂枝一兩

杏仁七十個去皮尖

甘草一兩

右咬咀每服五錢水煎溫服覆取微汗不須欬粥有汗

者勿服

太陽中風脈浮發熱惡寒身疼痛不汗出而煩躁者大青龍湯主之若脈微弱汗出惡風者不可服服之則厥逆筋惕肉潤此為逆也傷寒脈浮緩身不疲但重者有輕時無少陰症者大青龍湯發之

大青龍湯方

麻黃去節炮去汗三兩

桂枝一兩

石膏碎

甘草炙各一兩

生姜切半

大棗六枚

杏仁二十個去皮尖

右咬咀每服五錢水煎溫服取汗為度若汗周身潤止後服表汗可待待相次服盡不欲汗多恐亡陽故也若汗不止用溫粉撲之

溫粉方

白朮

藁本

川芎

白芷各等

右研為細末，每末一兩入米粉三兩，和勻撲周身止汗。若汗過多，恐亡陽，遂厥逆，惡風煩躁，不得眠，故宜以此粉止之。

右中風脈當浮緩，今反浮弦，緩者大青龍症也。

治發熱惡風煩躁，手足溫為中風，候脈浮緊為傷寒，脈是中風見寒脈也，寒多熱少不煩躁，手足微厥為傷寒，候脈浮緩為中風，脈是傷寒見風脈也。蓋脈似桂枝反無汗病，似麻黃反煩躁是也。

許學士云：仲景治傷寒一則桂枝，二則麻黃，三則青龍。桂枝治中風，麻黃治傷寒，青龍治中風見寒脈，傷寒見風脈。三者如鼎立，人皆能言之，而不曉前人處方，思藥之意，故醫途多不用無足怪也。且脈緩而浮者中風也，故蓋蓋惡風淅淅惡寒翕翕發熱，仲景以桂枝對之，脈浮緊而瀉者

傷寒也，故頭痛發熱身疼腰痛骨節疼痛惡寒無汗而喘，仲景以麻黃對之。至於中風脈浮緊，傷寒脈浮緩，仲景皆以青龍對之，何也？予嘗深究三首若症候與脈相對無不應手而愈，何以言之？風傷衛氣也，寒傷榮血也，榮行脈中，衛行脈外，風傷衛則風邪于陽，陽氣不固發越而為汗，是以自汗是表虛，故仲景用桂枝以發其邪，芍藥以和其血，蓋中風則病在脈之外，其病稍輕，雖曰發汗持解，肌之藥耳，故仲景于桂枝症云：令半身掣掣微似有汗，不可如水淋漓，病必不除。是知中風不可大發汗，汗過則反動榮血邪氣乘虛襲之，故病不除也。寒傷榮則寒邪入陰血而榮行脈中者也，寒邪居脈中，非特榮受病，邪自內作，則併與衛氣犯之，久則浸溢及骨，是以汗不出而熱齒乾而煩，竟仲景以麻黃發其汗，又以桂枝甘草助其發散，欲

除內外之邪榮衛之病爾大抵二藥皆發汗以桂枝則
 發其衛之邪麻黃并榮與衛治之亦自有淺深也何以驗
 之仲景桂枝第九九症三病當自汗出者此為榮氣和榮
 氣和者外不諧以衛氣不共榮氣諧和故爾以榮行脈中
 衛行脈外復發其汗榮衛和則愈宜桂枝湯又四十七症
 云發熱汗出此為榮弱衛強故使汗出者欲救邪風宜桂
 枝湯是知中風汗出者榮不和而衛不和又第十卷云寸口
 脈浮而緊浮則為風緊則為寒風則傷衛寒則傷榮榮衛
 俱病骨節煩疼當發其汗是知傷寒浮緊者榮衛俱病也
 麻黃湯中桂枝此仲景之言也至於青龍雖治傷風
 見寒脈傷寒惡風服之病然仲景又云汗出惡風者不可
 服之服之厥逆便有筋惕肉澀之症故青龍一症尤難申
 藥須是形症諦當然後可行故王寔夫症止用桂枝麻黃

各半湯治之蓋慎之也

太陽病項背強几几反汗出惡風者桂枝加葛根湯主之

太陽病
項強有
汗者葛
桂湯

桂枝加葛根湯方

桂枝 葛根各二 芍藥 甘草各一

生姜一兩 大棗六枚

右咬咀每服五錢水煎溫服覆取汗

無汗者
葛根湯

葛根湯方

葛根 麻黃 生姜各二 桂枝

芍藥 甘草各二 大棗十二枚

右咬咀每服五錢去渣溫服覆取微汗為度

太陽病發熱惡寒熱多寒少脈微弱者此無陽也不可發

太陽病
脈微身
不痺者
宜桂婢

汗宜桂枝二越婢一湯

使百法四一三三

各半湯

桂枝二越婢一湯方

桂枝

芍藥

麻黃去節

甘草各三

生姜兩半

石膏兩半

大棗六枚

右咬咀每服五錢水煎溫服

脈微身
痒者宜
桂麻各
半湯

太陽病得之八九日如瘧狀發熱惡寒熱多寒少又其人
不嘔清便欲自可下日二度脈微緩者為欲愈也脈微而
惡寒者此陰陽俱虛不可更發汗更下更吐面色反有熱
色者未欲解也以其不能得小汗出身必痒宜桂枝麻黃
各半湯

桂枝麻黃各半湯

桂枝

芍藥

生姜

甘草

麻黃名半兩

大棗六枚

杏仁十二粒

右咬咀每服五錢水煎溫服

太陽中
陽症

凡仲景稱太陽病者皆表症發熱惡寒頭項強痛也若
脈浮大則與症相應宜發汗今身表症而脈反微不與
症應故不可發汗但用一二各半湯等和之可也
若太陽中陽發熱惡寒脈微弱手足逆冷而渴者白虎加
人參湯方論見

太陽畜
血症

太陽六七日表症仍在脈微而沉反不結胃其久發往者
以熱在下焦少腹當鞭滿小便不利者下血乃愈所以然
者以太陽隨經瘀血在裏故也抵當湯主之

水蛭炒去

虻虫各十枚炒

大黃二

桃仁七枚去

右作一服水一盞煎溫服

太陽病身黃脈沉結小腹鞭小便不利者為無血也小便

自利其人如狂者血症諦也亦抵當湯主之
凡仲景稱太陽症脈沉者皆謂發熱惡寒頭項強痛而
脈反沉也其症兼發狂小腹硬者為畜血此條抵當湯
是也

太陽濕 蕪關節痛小便不利身黃者為濕痺論見
兼卒口噤背反張者為瘧若無汗惡寒名剛瘧宜葛根湯
若有汗不惡寒名柔瘧宜瓜蒌桂枝湯方論
病發熱頭痛脈反沉若不瘧身軀疼痛當救其裏宜四逆
湯方見
太陽陰 少陰病但欲寐始得之發熱脈沉者麻黃附子細辛湯論
症

麻黃附子細辛湯方
麻黃去節 細辛各二 附子一枚
欲

太陽病 不惡寒 兼渴汗 者柔瘧 表不解 者即太 陽病

右咬咀每服五錢水煎溫服
凡仲景稱太陽病不惡寒者皆謂發熱頭項強痛脈浮
而反不惡寒也其証兼渴者為濕病兼汗出者為柔瘧
方論見濕 病柔瘧
傷寒六七日發熱微寒肢節煩疼微嘔心下支結外症未
去者柴胡加桂枝湯主之

柴胡加桂枝湯方
柴胡一 桂枝
芍藥二 黃芩
甘草炙 半夏細 人參
生姜各半 大棗三

右咬咀每服五錢水煎溫服
凡仲景稱表不解者皆謂太陽病發熱惡寒頭項強痛
脈浮也蓋病雖屬太陽表症而有裡症兼之者則不言

太陽病但稱表不解也其無心下支結者此條柴胡桂枝湯是也論見

兼心下有水氣乾嘔而欬者小青龙也方論兼脇痛手

足温而渴者小柴胡也兼心下痞者先用桂枝解表後

以瀉心攻痞也方論兼下利腹滿脹者先以四逆温裏

後以桂枝攻表也方論

太陽欲解候

太陽病欲解時從巳至未解太陽病未解脈陰陽俱停

必先振慄汗出而解但陽脈微者先汗出而解陰脈微者

下之而解若欲下之調胃承氣湯主之下之宜解太陽

病脈浮緊發熱身無汗自衄者愈

太陽表未解

太陽外症未解不可下之下之為逆欲解外者宜桂枝湯

主之

海大小調胃三承氣湯必須脈浮頭痛惡風惡寒表症盡

罷而反發熱惡寒譫語不大便方可用之若脈浮緊下之

必結胃若脈浮緩下之必痞氣

許學士云常記一親戚病傷寒身熱頭痛無汗大便不通

已四五日子訊問之醫者治大黃朴硝等欲下之予曰子

姑少待予為視之脈浮緩居客室中首稱其惡風予曰表

症如此唯大便不通數日腹且不脹別無所苦何遽便下

之大抵仲景法須表症罷方可下不爾則邪乘虛而入不

為結胃必為熱利也予作桂枝麻黃各半湯繼以小柴胡

熱熱汗出大便亦通而解仲景云凡傷寒之病多從風

寒得之始則表中風寒入裏則不消矣擬欲攻之當先表

解乃可下之若表已解而內不消太滿太堅實有燥糞者

自可除下之雖四五日不能為禍也若不宜下而便攻之

內虛熱入為挾熱自利煩燥之變不可勝數輕者困篤重

者必死矣 原本正文重寫字刪正此段其理甚明大抵
風寒入裏不消必有燥糞或大便堅秘須是脈不浮不惡
風表症罷乃可下之大便雖四五日不通亦無害若不顧
表而下遂為挾熱利也

表裏發熱

發熱惡寒脈浮者屬表即太陽症也太陽病見前 發熱汗
出不惡寒反惡熱者屬裏即陽明症也方論見陽 發熱
脈弦細頭痛者屬少陽症也論見口 發熱
而嘔者小柴胡湯論見 發熱欬嗽表不解者小青龍湯
蕪脇痛喜嘔者小柴胡加乾姜五味子湯方論 發熱而
喘表不解者小青龍去麻黃加杏仁湯蕪膈滿者麻黃湯
見方論 發熱口渴有屬表者有屬裏者治法方論甚衆見

汗後脈浮數者 發熱汗解半日許復煩躁脈浮數大者可更發汗宜桂枝
湯論見上

汗後發熱惡寒者虛故也不惡寒但惡熱者實也當和胃
氣宜調胃承氣湯 太陽病三日發汗不解蒸蒸發熱者
屬胃也調胃承氣湯主之海藏云太陽黃瘦實芒硝軟堅甘

調胃承氣湯方 大黃一兩海藏云宜酒浸蓋邪氣居高非酒不到醫
宜四 浸引而上之若生用苦澁下則遺高分之邪熱所
以愈後或自赤或後閉或頭腫膈上反生熱症矣
甘草半兩炙海藏 芒硝九錢海藏云辛
以潤之鹹以軟

右咬咀水一盞者大黃甘草至七分去渣入芒硝更上
次微者令沸溫服

汗之仍

發熱汗出不解心下痞鞭嘔吐而利者大柴胡湯論見

發汗後身灼熱脈浮汗出身重多眠鼻鼾者風溫論見

發汗後仍發熱心憊頭眩身潤動振振欲擗地者宜真武

湯論見汗出熱不內拘急四肢疼下利厥逆惡寒者

宜四逆湯論見大汗出脈陰陽俱盛不解者死論見大

云溫病汗徹復熱而脈燥疾不為汗衰

下之仍

太陽病先發汗不解而復下之脈浮者不愈浮為在外而

反下之故令不愈今脈浮故知在外當須解外則愈桂枝

湯主之汗少後仍頭痛發熱心下滿小便不利者桂枝

去桂加茯苓白朮湯論見太下後身熱不去心中結痛

者梔子豉湯主之論見太下後身熱不去微煩者梔子

乾姜湯方論陽明病下之其外有熱手足溫心中懊懣

飢不能食但頭汗出者梔子豉湯論見

述吐登

太陽病當惡寒今自汗出不惡寒發熱關脈細數者以醫

吐之過也一二日吐之者腹中飢口不能食三四日吐之

者不喜糜粥飲食冷食朝食暮吐以醫吐之所致為小逆

發熱脈

浮二症後更熱者小柴胡湯脈浮者以汗解脈沉者以下解見

傷寒脈浮滑此表有熱裏有寒白虎湯主之

白虎湯方

知母三

甘草一兩

粳米合

石膏八兩

右咬咀每服五錢水煎溫服

脈浮而遲表熱裏寒下利清穀者四逆湯論見下利厥

逆汗出熱不去者四逆湯

少陰病下利清穀厥逆裏寒外熱者通脈四逆湯方論見

身熱手足逆冷而脈虛當身發者為中暑論見

發熱厥

逆二症

發熱下利四症

傷寒表不解乾嘔發熱而咳下利者小青龍去麻黃加芫花湯論見 太陽與陽明合病必下利其症頭痛腰疼身熱鼻乾脈浮大而長者宜葛根湯論見 發熱下利脈微遲厥逆者通脈四逆湯 太陽與少陰合病自下利其症頭寒骨滿往來寒熱脈浮大而弦者宜黃芩湯論見 下利清穀脈沉遲其人面赤微熱而厥者必鬱胃汗出自解

發熱下利厥逆躁不得臥者死

發熱而利汗不止者死

發熱吐利心下痞硬者大柴胡湯渴者五苓散不渴者理中湯論並見病及吐利門

發熱經水適來適斷小柴胡湯刺期門論見諸語瘡狀 發熱脈數消穀不大便者有瘀血宜抵當湯論見蓄血

發熱畜血症

傷寒甚者為五十九刺穴見嘔病門

太陽病發熱續注

傷寒多由內傷 此篇集丹溪海藏諸賢治傷寒皆以補養為發散之法實本經成敗俯伏生於動動而不已則變作及風雨寒熱不得虛邪不能獨傷人之旨也蓋凡外傷風寒者皆先因動作煩勞不已而內傷躰虛然後外邪得入故一家之中有病者有不病者由躰虛則邪入而病躰不虛則邪無隙入而不病也是故傷寒為病屬內傷者十居八九後學無知至世皆謂傷寒無補法但見發熱不分虛實一利下汗而致天橫者滔滔皆是此實醫門之罪人也今集此法於仲景之後其應如響使人遵之不犯虛虛實實之戒也

丹溪熱補發散

傷寒主乎溫散 有卒中天地之寒氣者有口食生冷之物者故傷寒為病必須身犯寒氣口食寒物者是以從

補中益氣湯加發散藥屬內傷者十居八九其法邪之所
奏其氣必虛只用補中益氣湯中從所見之症出入加減
氣虛甚者少用附子以行參朮之氣補中益氣湯方見治發熱內傷
之病專主東垣內外傷辨甚詳世之病此者為多但有挾
痰挾外邪者鬱熱於內而發者皆以補元氣為主互看其
所挾而兼用藥

一男子素嗜酒因暴風寒衣薄遂發倦忘不思飲食半日
至睡後大發遍身疼痛如被杖微惡寒示明診之六脈浮
大按之豁然左為甚予作極虛受風寒治之人參為君黃
芪白朮歸身為臣蒼朮甘草木通乾葛為佐使大劑與之
至五貼後通身汗如雨凡三易被得睡發求諸症悉除

- 白朮
- 陳皮
- 乾葛
- 蒼朮
- 人參
- 川芎
- 黃芪
- 歸身

木通各
甘草五分

右分三貼水煎服

盧兄年四十九歲自來木便下血脈來沉遲瀋面黃神倦
者二年矣九月間因勞倦發熱自服參蘇飲一貼熱退早
起小勞遇寒兩手背與面紫黑昏仆少時却醒身大熱妄
語口乾身痛至不可眠服之三貼不調微帶數重取虛證
左手大於右手以人參二錢半帶節麻黃黃芪各一錢白
朮二錢當歸五分與三五貼得睡醒來大汗如雨即安兩
日後再發脇痛欬嗽若睡時嗽不作而妄語且微惡寒診
其脈似前而左略帶緊予曰此軀虛再感寒也再以前藥
加半夏茯苓至十餘貼再得大汗而安後身倦不可久坐
不思飲食用補中益氣去涼藥加神麴半夏砂仁五七十
貼而安

一丈夫因勞倦發熱其倦不可以傷寒治之用

人參四錢 白芍藥 陳皮 當歸各三錢

黃芪三錢 蒼朮二錢 木通一錢 甘草少

右分三貼水煎溫服

一丈夫發熱五日倦甚略渴得洪脈不甚數略重則散大

此肉傷症也用

白朮二錢 人參 陳皮 柴胡各錢

黃芪 蒼朮各一錢 木通六分 甘草少

右分二貼水煎服

一丈夫倦甚口乾發熱汗不出用

陳皮三錢 人參 白朮 蒼朮各二錢

乾葛半錢 黃芪 木通各一錢

右分二貼水煎服

一丈夫發熱振擗倦息口渴

人參 白朮 白芍 柴胡各錢

陳皮三錢 黃芪一錢 木通一錢 甘草少

右分四貼水煎熱飲

王孺人因辛苦發熱

芍藥五錢 白朮三錢 人參 當歸各二錢

陳皮一錢 川芎 甘草 木通各半錢

右分四貼水煎溫服

第四女發熱冒風冷

麻黃 人參各五分 蒼朮一錢 甘草少

右水煎服

右十方皆補養中氣兼發散之劑

杭州葉君章臘月因齋素中飢而具寒作勞遂患發熱頭

姜附
補散加
多著

痛醫與小柴胡湯遂自汗神昏耳聾自不見物予診其脈大如指似有力熱不退與人參黃芪白朮熟附炙甘草作太劑之一日而汗少二日而熱減半耳微有聞目能視物初用藥至四貼前藥中加蒼朮與兩服再得汗而熱除本日遂去蒼朮附子又與前藥作小劑服二日而安 呂仲修年六十六歲正月間因忍飢冒寒作勞頭疼惡寒發熱骨節皆疼無汗至次日妄語熱愈甚而妄語時止時作熱亦不為十分自服參蘇飲兩貼汗不出又再進一服以衣覆取汗大出而熱不退至第四日子診其脈兩手皆洪數而右為甚此因飢而胃寒加之作勞陽明經雖受寒氣不可攻擊當急以太劑補之以回其虛俟胃氣充實自能出汗而解遂以參芪白朮歸身陳皮炙甘草每貼加熟附子一片一晝夜服五貼至第三日口稍乾言語有次諸症雖

解而熱未退遂去附子加白芍又兩日思食却作肉羹與與之又三日精神全二日許自汗出而熱退診其脈不數洪脈却尚有些洪脈作大脈論年高而誤汗此後必有虛症見又與前藥至次日言我大便自病來不曾更衣今穀道逼痛坐窵責狀如不堪醫者必欲投大黃巴豆等劑予謂大便非實秘為是氣因誤汗而虛不得充腹無力可努仍與前補藥以肉粥及菘菜與之一日半前瀉茵椒湯浸下躰方下大便軟塊者五六枚診其脈仍舊大未欽此因氣血未得回復又與前藥兩貼經兩日小便不通小腹下妨悶頗為所苦但仰臥則點滴而出予曰補藥服之未盡於前藥內倍加參芪太劑服兩日小便左利而安 陶明節年十九歲不憚勞勩不負屢作忽一日因勞倦大發熱而渴恣飲冷泉水數碗次日熱退目不識入言語謬誤自

言肚痛不能轉側飲食不進身戰掉不自持又二日求子
診之兩手濇而大而右為甚遂於氣海灸三十壯用白朮
二錢黃芪二錢熟附一片陳皮五分與干貼不效又增發
熱微滑餘症仍在却可進二匙稀粥予曰此氣欲利而血
未應也於前藥內去附子加當歸以和血因有熱加入參
一錢半服三十貼而安

黃芪湯治傷寒兩感拘急三焦氣虛自汗及手足汗出
或手背偏多或肢體振擻腰腹沉重面赤目紅但欲睡眠
頭面壯熱兩脇熱甚手足自溫兩手心熱自利不渴大便
或難或如常度或口乾咽燥或渴欲飲湯不欲飲水或少
欲飲水嘔噦間作心下滿悶腹中疼痛或時喜笑或時悲
哭或時太息或時語言錯亂疑作謔言狂語者非也神不
守舍耳始得病于瘧疾之間或恐悸頭項不甚痛行步只

如獲此陰盛陽虛之故也兩手脈浮沉不一或左或右往
來不定有沉濇弱微弦五種陰脈形狀按之全無力淫之
損小沉之亦損小皆陰脈也宜先緩而後急緩宜用黃芪
湯

黃芪湯方

人參 生薑 黃芩 白茯苓

白朮 白芍藥 甘草 嘔者加藿香

陳皮 各五錢 甚者加乾姜 炮一錢

右以水煎量症加減多少用之 如大便秘結者調

中丸主之

調中丸方

人參 白朮 白茯苓 乾姜

甘草 各等分

右為末煉蜜丸每兩作十九或五丸每服一二丸水少許前服若病急者黃芩湯每服加乾姜一錢大便結者理中丸主之

理中丸方

人參

白朮

乾姜炮恐熱以生薑代之

甘草炙

右等分為末煉蜜丸每兩作五丸白湯化下先緩後急也若尤急者無汗宜附子乾姜甘草湯若自汗者宜白朮附子甘草湯量脈症可於四逆湯或真武湯或通脈四逆湯選用之

垣馮內翰姪櫟年十六病傷寒目赤而煩渴脈七八至醫欲承氣湯下之已者孰矣偶東垣從外來馮告之故東垣切脈大駭曰幾殺此兒也以脈數為熱合脈七至是極熱

也殊不知至真要大論云病有脈從而病反者何岐伯對曰脈至而從按之不鼓諸陽脈皆然此陰盛格陽於外非熱也取姜附來吾以熱因寒用之法治之治藥未就而病者瓜甲已青頓服八兩汗漸出而愈

右七法補蕪發散隨所見症加姜附其者熟附微者乾姜又甚者姜附蕪施皆反治法也

盛孺人年四十歲外冷內熱身疼頭痛倦怠脈虛微瀦

川芎

柴胡

芍藥各半

羌活

黃柏各二

南星錢一

甘草各三

右分兩貼生薑三片水煎熱服

沈材妻年五十餘滿身骨節痛半日以後發熱黃昏至半夜却退

蒼朮

陳皮

羌活各一

白朮錢半

熱多者
補散加
芩朮

木通 炒栢 通草各五

右吹咀水煎溫服

下親家於久癘後暑月涉水又勞苦腿股痛漸漸渾身痛脇亦痛發熱脈却澹不甚數予曰此勞倦乏力治用

白朮 黃芪 蒼朮 陳皮各一

人參 黃栢酒炒各五分 木通各五分 甘草各二分

右吹咀水煎下龍會丸

小阿婆午後發熱遍身痛血少月經黑色大便閉用

芍藥各五分 黃芩 蒼朮各三分 黃栢酒炒

木通各二分

右吹咀水煎服

右四方兼補發散隨所見脈症加炒栢龍會皆自止治法也

交痛者陳小娘年二十發熱目閉開口則熱甚渴思水解脈瀯而消導濁瀯此食痰也治用

黃芩 甘草 木通各五分 陳皮

白朮 乾葛各一 黃連 桔梗各六分

右吹咀水煎下保和丸二三十九

一丈夫因恐發熱心不要用南星白茯苓各五錢朱砂二錢已上為六貼再用

錢已上為六貼再用

人參 當歸 柴胡各三分 黃芩

川芎 木通各二分 甘草 紅花各五分

右分四貼水二盞平入金銀器同煎至一盞去渣熱調服

右二方兼補發散隨所見症加食積痰藥

海神木湯治內傷冷飲外感寒邪無汗者

蒼朮制

防風各二

甘草炒一雙

右咬咀加葱白生姜同煎服如太陽症發熱惡寒脈浮而脈者加羌活二錢如太陽症脈浮緊中帶弦數者是兼少陽也加柴胡二錢如太陽症脈浮緊中帶洪者是兼陽明也加黃芩二錢婦人服者加當歸或加木香湯或加薑本湯各二錢如治吹妳煎成調六一散三五錢神效

神木湯加減例

又神木湯六氣加減例

太陽寒水司天 加羌活桂枝餘歲非時變寒亦加冬亦

陽明燥金司天 加白芷升麻餘歲非時變涼濕亦加秋

少陽相火司天 加黃芩地黃餘歲非時變雨濕亦加夏

亦加

亦加

太陰濕土司天 加白朮薑朮餘歲非時變熱濕亦加夏

未秋初亦加

少陰君火司天 加細辛獨活餘歲非時變熱亦加春末

夏初亦加

厥陰風水司天 加川芎防風餘歲非時變溫和亦加春

亦加

已上神木湯六氣加減法非止為司天之氣設也至於歲之主氣與月建日時同前應見者皆當隨所見依土例加減之按海藏此論與戴人云病如不是當年氣看與何年運氣同便向此中求妙法方知皆在至真中之歌相表裏實發前人之所采發也蓋海藏此論所謂某氣司天加某藥者治常氣之法也所謂隨所應見加減

者治亦氣之法也戴入所謂看與何年同氣求治法者亦治變氣之法也能將二公之法擴充行之則內經運氣之本義燦然矣夫內經論運氣有常氣有變氣常氣者有定紀如其年屬其氣司天當寒其年屬其氣司天當熱是也變氣者無定紀如其年屬其氣司天當寒反變熱當熱反寒是也王氏詳文釋以經無定紀之變氣作有定紀之常氣使後學皆以年歲占運氣而其應者十無一二是以人莫之信而其道湮晦又矣二公生於數千百年之後復啓其端而續之與程朱續孔孟不傳之緒同功也今僕謹於每歲逐年司天加藥之後伸餘歲變常之義其意有不盡者別述運氣類註定之同志之士幸究心焉

以白木代桂枝

白木湯治內傷冷物外感風寒有汗者

白木三 防風二 甘草一

右咬咀每服三錢水一盞姜三片煎至七分溫服一白止一二服待二三白漸漸汗少為解

又白木湯治傷寒上解三陽下安太陰

白木如汗之改 防風各一

右咬咀水煎至七分溫服用後方加減若發熱引飲者加黃芩甘草頭疼惡風者加羌活散三錢羌活一两半川芎七錢細辛二錢半若身熱目痛者加石膏湯四錢石膏二錢知母半兩白芷七錢腹中痛者加芍藥湯三錢芍藥一两桂枝半兩往來寒熱而嘔者加柴胡散三錢柴胡一两半夏半兩心下痞者加枳實一錢若有裏症加大黃一錢量虛實加減之邪去止服

紫古以
川芎湯
代麻黃
湯代桂
枝

有汗不得服麻黃無汗不得服桂枝然春夏汗孔疎雖
汗不當服麻黃宜用川芎湯和解之春夏有汗脈微而弱
惡風惡寒者乃太陽症秋冬之脈也宜用黃芪湯無汗亦
用川芎湯秋冬有汗脈盛而浮發熱惡熱者乃陽明症春
夏之脈也宜用黃芪湯無汗亦用川芎湯太抵有汗皆宜
黃芪湯無汗皆宜川芎湯主之

白米

黃芪

防風各等

右咬咀每服服五七錢至一兩水煎溫服汗多惡風甚者

加桂枝

川芎湯無汗則能發之

川芎

蒼朮

羌活各等

表症具
尺脈遲
弱者先
補血

右咬咀每服五七錢至一兩水煎熱服無汗惡風甚者
加麻黃一錢
法云五臟之脈寸關尺也今止言寸尺陰陽也若陽緩而
陰急表和而裏病陰緩而陽急裏和而表病

本黃芪建中加當歸湯治發熱頭眩脈浮數而不中遲弱
者宜先服此藥補血却與麻黃桂枝輩

黃芪

當歸各及

白芍

桂枝

甘草各一

右咬咀每服五錢姜三片枣一枚水煎日三夜二服如

脈尚沉遲再進一服

有汗不得服麻黃無汗不得服桂枝若未瘥則其變不
可勝言故立此法使不犯三陽禁忌解表神方
九味羌活湯 陶尚節註云不問四時但有頭疼骨節痛發
熱惡寒無汗脈浮緊者宜用此湯以代麻黃

為惡當如頭眩熱惡風自汗脈浮緩者宜用加減神和湯即羌活湯中減蒼朮加白朮細辛加黃芪是也

羌活主乃是按乱反正之君也故大無不通小无不

防風一兩半治一身盡痛乃在甲賤之下

細辛半兩治少陰

蒼朮雄壯上行之藥能除濕下氣及安

白芷一兩治陽明

甘草一兩能緩裏急調和衆

生地一兩治少陰

黃芩一兩治太陰

已上九味雖為一方然亦不可執執中無權猶執一也

當須其經絡前後左右之不同從其大小輕重之不一

增損用之其効如神用吐咀水煎服若急欲汗者須熱

服以藥投之若緩欲汗者溫服而不用湯粥投之

脈浮而不解者先急後緩脈沉而不解者先緩後急九

酒治破傷風

和餅四時傷寒混解六經不犯禁忌大白木湯

解表雜方

白朮

石膏

防風

羌活各二

黃芩五錢

白芷半錢

知母七錢

甘草一錢

枳實四錢

細辛三錢

右以咀每服半兩水煎溫服未解更下服春倍加防風羌活夏倍加黃芩今右膏季夏淫雨倍加白朮白芷秋加桂五錢冬加桂八錢或下兩

海五積散治陰經傷寒脾胃不和及感寒邪

白茯苓

厚朴

芍藥

當歸

麻黃去節

半夏姜製各三

乾姜炮

人參

川芎焙

甘草切

白芷切

枳殼切

陳皮

蒼朮新者切

桔梗切

肉桂切

右除枳殼肉桂外餘並為粗末於木鍋內文武火炒令黃熟不至焦用紙攤在板上候冷入枳殼肉桂末和勻入磁盒內每服二錢水一盞姜三片同煎服若傷寒惡白一莖葶鼓七粒同煎連服取汗若脾胃不和內傷冷物渾身疼痛頭昏無力胃膈不利飲食不下氣脈不和四肢覺冷或睡裏虛驚至晚心躁困倦即入鹽少許同煎若陰經傷寒手足逆冷及虛汗不止脈細疾面青而嘔更宜加附子同煎加減多少並在臨時消息之神珍方

參蘇飲治內外感一切發熱主藥又云前胡葛根自能解肌枳殼陳皮自能寬膈大治中焦滿病凡有熱不得拘其所見小兒室女尤宜服之

前胡

枳殼

陳皮

甘草

桔梗

木香各一

人參

紫蘇

乾葛

半夏

茯苓各八

右咬咀每服四錢用水一盞生姜五片東一枚煎服不拘時若素有痰者候熱退以二陳六君子湯間服右方治痰飲停積中脘閉塞眩暈嘈煩怏悻嘔逆及痰飲中人停留關節手脚躄曳口眼歪斜半身不遂食已則嘔頭疼發熱狀如傷寒者悉治之一法用此藥三兩加四物湯二兩合和名茯苓補心湯大治男子婦人虛勞發熱或五心煩熱并衄血吐血便血及婦人下血

過多致虛熱者並宜服之或因用心太過發虛熱者及往來寒熱者用之神效
柴胡散治邪入經絡體瘦肌熱推陳致新解利傷寒時疫中暍伏暑

柴胡兩

甘草兩

右咬咀水煎食後熱服此藥冬月可以潤心肺止咳嗽除壅熱春夏可以禦傷寒時氣解毒居常不可缺者且食平可以易得長幼皆宜服之

山 胃感用帶根茵陳湯醫生美得汗愈

右六方通詳諸表方元氣不虛者服効

第二方熱多者宜服之

第三方寒多者宜服之

第四方痰飲者宜服之

第五六方倉卒宜備之

海 治傷寒外症全是下症大熱而脈反細不可下者瀉心

下症具脈沉細者瀉心湯主之

雲 人參散治傷寒汗下後餘熱不退或煩或渴面赤者

汗下後煩渴者人參散

人參

山梔

藍葉

甘草

白蘚皮各等分

右吹咀每服五錢水煎服

雜合病當隨症治不必先理感

丹 繫矩新書謂有雜合病者當以雜合法治之譬如惡寒發熱得之感胃明是外合之邪已得浮數之脈而氣口又緊盛明為食所傷病者又倦怠脈重按俱有豁意而胸膈痞滿間引兩脇其脈輕取又似乎弦此又平昔多怒肝邪之所為也細取左尺大細沉弱此又平時房勞之過也治法宜以感胃一節且放後先視其形色之強弱厚薄且以

補中化食行滯清涼胃火而以姜辣行之則中氣稍回傷滯稍行津液得和通躰得汗外感之邪自解醫者不肯詳審求之只顧表散外邪又不推究兼見之邪脈亦不窮問所得之病因與性情之執着巧施雜合治法將見正氣自虛邪氣愈固皆拙土之過也

發熱思寒似傷寒者有五

一發熱思寒近以傷寒者有五種脈浮面緊其人發熱而嘔吐者此是傷食也脈浮而滑其人發熱思寒或頭眩而食此是欲化瘧疾也能辨其脈又能驗其症斯無誤矣
二傷寒與雜症相似藥不可差 夫傷寒表症發熱思熱者自二而渴與下雜症同但頭痛身熱目痛鼻乾不得臥白虎主

禁忌

乏乃陽明經病也正陽陽明氣病脈洪大先無形也雜病裏症發熱思熱而渴但目赤者病臟也手太陰氣不足不能管領陽氣也宜以枸杞生地熟地之類主之脈洪大甚則嘔血先有形也
氣病在裏誤用血藥無傷也為安血而益陰也 血病在裏誤用氣藥如白虎湯者非也為瀉肺而損陰也
恒辨誤服白虎湯症 昔西臺椽葛君瑞二月中病傷寒發熱以白虎湯主之病者面黑如墨本症遂不復見脈沉細小便不禁東垣初不知也及診之曰此立夏以前誤服白虎白虎太寒非行經之藥止能寒臟腑不善用之則傷善氣本病由隱於經絡之間或投以大熱之藥求以去陰邪他症必起非所以救白虎也可用溫藥升陽行經有難者曰白虎太寒非大熱何以救君之症奈何東垣曰病隱

針灸

經絡開陽道不行而本症見矣又何難哉果如其言而愈
累太煩熱不止晝夜無度用八關太刺法見熱無度不
可止宜陷谷出血

密遍身發熱如火狂言妄語氣虛者補手三里氣實者瀉
足三里

傷寒胃熱不巳 大杼五分 風門五分 留中府
三肋間動脈應 缺盆分

傷寒胃熱不巳 中腕瀉 上廉分 下廉分 三里
氣衝

傷寒四肢熱不巳 雲門二分 灸 肩髃 委中 腰膈
在二寸許 雄節下間宛宛中 以繩伏地 膺身兩手相重
支額 絞 體然後取其穴 針入五分 留七呼 灸七壯

傷寒太熱不退 曲池瀉 絕骨補
傷寒熱退後再發熱 風門 合谷 行間 絕骨

惡寒

發熱惡寒脈浮 病有發熱惡寒者發於陽也無熱惡寒者發於陰也發於
陽者七日愈發於陰者六日愈以陽數七陰數六故也
無熱惡寒脈浮屬太陽 發熱惡寒脈浮屬太陽 方論其衆並見發
惡寒脈微而復利者亡血也四逆加入參湯主之 王叔和
屬陰虛 門亂 原入霍

四逆加入參湯

人參 乾姜 甘草略一 附子一枚去皮

右咬咀每服五錢水煎溫服日三

少陰病惡寒身倦而利若利止手足溫者可治利不止手

足逆冷者不可治方論見

少陰病惡寒身倦時煩欲去衣被者可治四逆無脈不煩

而躁者死但欲寐方論見

診

惡寒手足逆冷若兼大汗拘急下利四逆湯方論見
 若兼頭汗心下滿脈沉細大便鞭者小柴胡湯方論見
 若夏月中暑脈虛而渴昔惡寒者白虎加入參湯方論見
 若口中和但欲寐者灸之宜附子湯
 發汗後惡寒者虛也論見 發汗病不解反惡寒者虛故
 也芍藥甘草附子湯主之

芍藥 甘草三 桂枝四

附子一枚炮

右咬咀每服五錢水煎溫服

太陽病下後脈促胃滿者桂枝去芍藥湯主之

桂枝去芍藥湯方

桂枝去 芍藥去 生姜各兩 甘草一兩 大棗六

右咬咀每服五錢水煎溫服

若微惡寒者去芍藥加附子湯主之活人云芍藥味酸脈

去芍藥單用辛熱之味發散毒氣也

去芍藥加附子湯方

桂枝 生姜各兩 甘草一兩 大棗六

附子半個去

右咬咀水煎溫服每服五錢

傷寒汗下後心下痞而惡寒者表未解也先用桂枝湯解

表用大黃黃連瀉心湯攻痞若痞而汗出惡寒者表已解

也附子瀉心湯主之方論見

陽明病胃家實若汗多發熱惡寒者表未解也未可與承

氣湯方論見

傷寒脈浮汗出微惡寒小便數脚掣急者忌服桂枝湯方論

禁忌

厥見

惡寒續法

惡寒急 近火 大抵太陽病必發熱而惡寒不可過覆衣被及近火氣恐寒熱相搏脈道沉伏愈令病人寒不可過但去被撤火兼飲以和表之藥自然不惡寒矣若婦人惡寒尤不可近火惡寒氣入腹血室結聚針藥所不能治矣

惡風

表裡 發熱惡風為表虛屬太陽病方論見發熱太陽病條 發汗後遂汗漏不止其症似風濕相搏症皆惡風汗出小便不利四肢難屈伸但心下不滿者身不痛用桂枝加附子湯方見自汗 風濕相搏者骨節煩疼掣痛用甘草附子湯方見身熱 惡風項強脇滿手足溫而渴者用小柴胡湯方論見脅痛

惡風續法

惡風惡寒不同

惡風者見風至則惡矣必居密室之內幃帳之中則坦然自舒惡寒者則不待風而自寒雖身大熱而不欲去衣者是也活人云惡寒者不當風而自憎寒惡風者當風而憎寒也

頭痛

頭痛表裡諸症 發熱頭痛惡風者屬太陽方論見發熱太陽病 大便不利六七日頭痛身熱小便赤者宜承氣湯若小便利者知不在裏仍在表也宜桂枝湯論見胃實 頭痛發熱脈弦細者屬少陽宜小柴胡湯論見若 若脈反沉者當救裏宜四逆湯論見發熱 頭痛無心下痞硬滿痛若眩冒時如結胸者刺大椎第一間肺俞肝俞項強 若下後仍發汗無汗小便不利者桂枝去桂加茯苓白朮湯方論見項強 若表解汗出齧痛乾嘔者宜十棗湯方論見脇痛 頭痛乾嘔吐涎沫者用吳茱萸湯

表 診

方論 若表解汗出心下鞭引脇痛者用干東湯 若陽
見吐 明胃實反無汗而小便利嘔欬手足厥者為寒邪 方論見
頭痛發熱吐利者為霍亂 方論見 濕家病身痛發熱
面黃而喘頭痛鼻塞而煩其脈大能食者納藥鼻中則愈
方論見身痛濕痺 方論見 太陽病下之復脈細數者頭痛未止
頭痛續法 且本脈微者小與味苦狀不五裏四

丹 一丈夫因浴冷水發熱頭痛脈緊此有寒濕也宜溫藥
汗之

蒼朮 麻黃 乾葛 甘草 些
陳皮 川芎 各二 半夏 各三
芍藥 半 陳皮 半 白朮 半

發散方

蒼朮 人參 水通 甘草 分
分四貼姜水煎服
一婦人頭痛發熱而渴
白朮 陳皮 川芎 各三 乾葛 一
木通 錢 甘草 些

右分四貼水煎溫服
若已發汗或未發汗頭痛如破者用連翹葱白湯
連月蔥白湯方

蔥白 連翹 切 生姜 二
右以水二升煮取一升分二次溫服再不止者宜服後
方
葛根蔥白湯方

葛根 芍藥 知母 各半 蔥白

卷之三

一

川芎

生姜各一

右以水三升煎至一升熱服

吐涎方

若非次頭疼曾中滿及發寒熱脈眩而不大者即是膈上

有涎宜用瓜蒂末一錢煖水調下吐涎立愈

汀下後頭痛分

傷寒汗下後頭痛起目眩者宜獨活湯

陰陽

防風

獨活

旋覆花

當歸各七

右咬咀姜水同煎服

傷寒熱病後頭痛不止者用石膏川芎湯

石膏

川芎各一

右咬咀每服五錢水煎服

六經頭痛治法

太陽頭痛有汗桂枝湯無汗麻黃湯 陽明頭痛白虎

湯 少陽頭痛小柴胡湯 太陰頭痛脈浮桂枝湯脈沉

理中湯 少陰頭痛小柴胡湯 厥陰頭痛外傷本經桂

枝麻黃各半湯 嘔而微吐苦水者吳茱萸湯

太陰頭痛者必有痰也少陰頭痛者是寒而氣逆也蓋

大陰少陰二經雖不至頭然痰與氣逆壅於膈中則頭上

氣不得暢降而為痛也

如脈浮而頭痛過在手足太陽刺完骨京骨 如脈浮

而長過在手足陽明刺合谷衝陽 如脈浮而弦過在手

足少陽刺陽池丘墟肩府風池此刺頭痛之法也

傷寒頭痛刺合谷 攢竹

項強

診治

發熱惡風項強者屬太陽方論見發熱

身熱惡風手足溫而渴者小柴胡湯 若下後不能食身

黃小便難者與柴胡湯必反重方論俱

灸

大陽與少陽并病頭項強痛或眩冒時如結胃心下痞鞭

者當刺大椎第一間肺俞肝俞慎勿發汗如發汗則譫語
脈弦五六日譫語不止當刺期門
太陽與少陽并病心下鞭頭項強而眩者當刺大椎肺俞
慎勿下之宜服桂枝湯或下之仍頭項強痛翕翕發熱無
汗心下滿微痛小便不利者桂枝去桂加茯苓白朮湯主
之桂云心下滿痛小便不利者成結胸小
便不利為停飲故加茯苓以行之
桂枝去桂加茯苓白朮湯方

芍藥

生姜

茯苓

白朮各兩半

甘草一兩

大棗六枚

右咬咀每服五錢水煎溫服小便利即愈結胸亦項強
如柔痙狀者大陷胸丸主之
項強卒口禁背反張為痙方論見
身體痛

大法

發熱惡寒身軀痛者用太陽病麻黃湯大青龍湯是也
若兼心下支結者柴胡桂枝湯 若兼下利清穀腹脹者
先以四逆溫裏後以桂枝發表方論見發熱 若尺脈遲
者血少榮氣不足活人先以黃芪建中湯養其血俟尺脈
回却用柴胡等湯和之 身體疼痛脈沉發熱頭痛不
寢者四逆湯方論見 若少陰但欲寐手足寒者附子湯
方論見 發汗後身軀痛脈沉遲者桂枝加芍藥生姜
人參新加湯主之

桂枝

人參各兩半

芍藥

生姜各二兩

甘草一兩

大棗六枚

右咬咀每服五錢水煎溫服
身軀痛下利方論見 身軀痛吐利為霍亂方論見 身
軀痛手足寒若脈沉但欲寐者附子湯方論見 若大汗

温痺

出熱不去內拘急自利惡寒者四逆湯方論見 若夏月
中暑脈虛而渴者白虎加人參湯方論見 身痛如被杖
面目青咽痛者為陰毒升麻鳖甲去雄黃蜀椒湯方論見
大陽病關節疼痛而煩脈沉而細者此名濕痺濕痺之候
小便不利便反快但當利其小便活人脈沉細作沈緩 濕家之為
疾身盡痛發熱而煩身黃如重可與麻黃加朮湯發其汗
慎不可以太劑攻之

麻黃加朮湯方

麻黃三兩

桂枝二

甘草一兩

杏仁十個去

白朮四兩

右以咀先以水煮麻黃去沫入諸藥煎溫服覆取微汗
濕家病身上疼痛發熱面黃而喘頭痛鼻塞而煩其脈大
自能飲食腹中和無病病在頭中寒濕故鼻塞納藥鼻中

温家中

則愈納鼻藥方

濕家其人但欲汗出背強欲得被覆向火若下早則噦胃
滿小便不利舌上如胎者以丹田有熱胃中有寒渴欲得
水而不能飲則口煩躁也 濕家下之額上汗出微喘小
便利者死若下利不止者亦死

右濕痺活人書為中濕脈沉細為沉緩小便自利者朮
附湯小便不利者甘草附子湯五苓散而不及麻黃加
朮湯并納鼻藥蓋麻黃納鼻皆是表藥而非脈沉緩之
劑故也

風濕不
得屈伸
者甘附
之
風濕相搏骨節煩疼掣痛不能屈伸近之則痛劇汗出短
氣小便不利惡風不欲去衣或身微腫者甘草附子湯主

甘草

白朮各一

桂枝二

附子一

不結轉
側者桂
附

右吹咀水煎溫服作四劑活人云身腫者加防風一兩
傷寒八九日風濕相搏身疼體煩不能轉側不嘔不渴脈
浮虛而濇者桂枝二子湯主之若其人太便秘小便自利
者去桂加白朮湯主之

桂枝附子湯方

桂枝二兩

附子一枚

甘草六錢

大棗四枚

生姜切

右吹咀每服五錢水煎溫服

白朮附子湯方

白朮二兩

附子一枚炮

甘草二兩

生姜兩

大棗六枚

右吹咀水三升煮一升分三服溫服一服覺身痒半日

大便硬
小便利
者未附

發熱日
晡劇者
麻黃

許再服三服都盡其人如冒狀勿怪即是木附並走皮
中逐水氣未得除故耳
病者一身盡疼發熱日晡而劇者多風濕此病傷於汗後
當風或久傷取冷所致也可與麻黃杏仁薏苡湯

薏苡仁

麻黃各半兩去節湯泡

甘草一兩

杏仁十枚尖

右吹咀每服四錢水煎溫服有微汗者避風

身重汗
出者防
已

風濕身重脈浮汗出惡風者防已黃芪湯身方見
問曰風濕相搏一身盡疼痛法當汗出而解值天陰雨不
正醫云此可發汗汗之病仍不愈者何也答曰發其汗汗
大出者但風氣去濕氣在故不愈也若治濕風者發其
汗但微微自欲汗出者風濕俱去也

風濕

身痛續法

垣風濕相搏一身盡痛者補中益氣湯加羌活防風升麻
藁本蒼朮治之如病去勿再服以諸風藥損入元氣而益
其病故也

海神木湯治風濕惡寒脈緊無汗 白朮湯治風濕惡風
脈緩有汗俱見續傷寒發熱條

右二朮湯治風濕又當隨症加減其詳並見症條及白
朮神木二湯後

活杏仁湯療風濕身體痠痛惡風微腫

- 桂枝兩 麻黃去節湯 芍藥 天門冬各心
- 生薑兩 杏仁二十五枚

右咬咀每服五錢水煎溫服

垣麻黃復煎湯治陰官中汗出懶語四肢困倦之力走疝

風濕熱

疼痛乃下焦伏火不得伸浮而躁熱汗出一身疼痛蓋風
濕相搏也以麻黃發汗漸發之在經者亦宜發汗况值
季春之月脈緩而遲尤宜發之令風濕去而陽氣升困倦
乃退血氣俱得生旺也

- 麻黃去節用水五盞先煎令沸去沫查再煎至三盞方入下藥 黃芪各一

- 白朮 人參 柴胡根 防風

- 生地各五 甘草八 羌活 黃柏各一

- 杏仁三個去皮

右咬咀作一服入麻黃湯煎至一盞臨臥服勿飽服
當歸拈痛湯治濕熱為病身體疼痛方見諸痛門

